

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
13.06.2020թ. կայացված ԱՖ359921 որոշումն անփոփոխ, իսկ վարչական բողոքն առանց
բավարարման թողնելու մասին

<<12>> 08 2020թ. 7-13- 9375

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Գարեգին Դավթյանի ՄԴ/88983-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Քաղաքացի Գարեգին Դավթյանը (ծանուցման հասցե՝ Սյունիքի մարզ, քաղաք Կապան,
Շահումյան փողոց 21/16) դիմումով խնդրել է բեկանել Ճանապարհային ոստիկանության
վարչական իրավախախտման վերաբերյալ գործով 13.06.2020թ. կայացված ԱՖ359921
որոշումը՝ նշելով, որ համաձայն չէ որոշմամբ նշանակված իրավախախտման հետ:
Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 13.06.2020թ. կայացված ԱՖ359921 որոշումը ենթակա է կատարման
հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> թիվ 955-Ն որոշման 69-րդ կետի 1-ին ենթակետի համաձայն՝ բնակավայրերից դուրս
թույլատրվում է երթևեկել 90 կմ/ժ ոչ ավելի արագությամբ:

Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ
մասի համաձայն՝ երթևեկության սահմանված արագությունը 11-30 կմ/ժ-ով գերազանցելը՝
առաջացնում է տուգանքի նշանակում՝ նվազագույն աշխատավարձի քսանապատիկի չափով:

Ուսումնասիրությամբ պարզվել է, որ 13.06.2020թ. ժամը՝ 18:15-ի սահմաններում Երևան
- Երասխ 45 կմ ճանապարհահատվածում քաղաքացի Գարեգին Դավթյանի վարած
<<SUBARU>> մակնիշի 36LD031 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի 1-ին սպայական
վաշտի 2-րդ սպայական դասակի տեսուչներ, ոստիկանության կապիտան Ս.Ավետիսյանի և
ոստիկանության լեյտենանտ Դ.Մանուկյանի կողմից ճանապարհային երթևեկության կանոնի
խախտման համար, այն է՝ վարորդը բնակավայրից դուրս երթևեկել է 119 կմ/ժ արագությամբ,
որտեղ թույլատրելի առավելագույն արագությունը սահմանված է 90 կմ/ժ արագությամբ,
այսինքն հաշվանցելով 10կմ/ժ-ը, գերազանցել է թույլատրելի արագությունը 19 կմ/ժ-ով:
Վարորդի նկատմամբ կազմվել է վարչական իրավախախտման արձանագրություն և
համաձայն Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-
րդ մասի՝ կայացվել է ԱՖ359921 որոշումը՝ Գարեգին Դավթյանին 20000 ՀՀ դրամի չափով
տուգանելու մասին:

Ճանապարհային ոստիկանության ծառայողների կողմից տրված պարզաբանման
համաձայն՝ քաղաքացի Գարեգին Դավթյանի կողմից կատարված իրավախախտումը ֆիքսվել
է <<Բինար>> տիպի 4889 գործարանային համարի արագաչափ սարքի միջոցով, որից հետո
ավտոմոբիլը սահմանված կարգով կանգնեցվել է, ոստիկանության կապիտան Ս.Ավետիսյանը
մոտեցել է վարորդին, ներկայացել, հայտնել իրավախախտման բնույթը և հրավիրել է դիտելու
իրավախախտումն ամրագրած տեսանյութը, որից հետո ոստիկանության կազմել է

Համաձայն <<Ճանապարհային երթևեկության անվտանգության ապահովման մասին>> օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ **երթևեկության սահմանված արագության գերազանցման** և տրանսպորտային միջոցների ապակիների լուսաթափանցելիության սահմանված չափի խախտումների **համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:**

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

1. Ճանապարհային ոստիկանության վարչական իրավախախտման վերաբերյալ գործով 13.06.2020թ. կայացված ԱՖ359921 որոշումը թողել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գարեգին Դավթյանին և Ճանապարհային ոստիկանության ՃՊԾ 2-րդ սպայական գումարտակ:



Կատարող՝ Ա.Միրզոյան
Հեռ. 011-54-47-83